

嘉慶戊寅年

華亭張鼎谷校刊

楊閣學蘿村詩稿

書三味樓藏板

序

楊玉符先生爲一代風雅之宗文行兼優著述甚富嘗  
自言古文惟讓汪堯峰出一頭地詩則不多讓人惜其  
所著罕傳未得窺其全豹到處搜求前於翁君淳處得  
易說乙冊余卽付梓以廣其傳今又於從子斌處得蘿  
村集一卷皆先生官翰院時應制應酬之作齋皇典麗  
格韻俱高具有初唐中晚人筆意而忠愛之思渾厚之  
氣時流露於行間迥非淺近者所能及向聞先生童年  
入泮赴試金陵夜夢神人來告曰汝今科不售汝家有  
大事宜速歸覺而異之後夜夢如前遂不試返父給諫

公怒不悅晉見母夫人述前夢且詢有何大事母曰汝所聘室近以患痘幾不起今雖愈眉髮俱無貌極陋其女與父母皆不願嫁託媒氏欲離婚已有成說矣先生曰事無有大於此者娶妻娶德斷不可行於是兩家皆喜曰特恐異時不睦故委曲行之婿既不嫌又何憂且少年能行古人之行必貴無疑後遂連捷入詞垣既婚夫人賢甚能得堂上歡先生亦不置一勝生二子長錫恒康熙己丑科進士次錫觀名諸生皆長詩古文詞尤以純孝稱於世後先生一戍瀋陽再戍黑龍江夫人與二子皆從焉先生竟卒於戍所凡謫官卒於戍者例當

於百日內焚其棺時使者絡繹交催夫人率二子哭拜於地悲哀動人使者皆不忍言而去後遇

恩赦竟得扶輓入關歸骨禮葬者皆夫人力也余友二垞朱君不妄言者且與先生爲近戚故得其說甚詳郡邑志旣失載故刻先生稿而并及之俾知先生行至高初不僅以文章見重於世也時

嘉慶戊寅秋月後學張應時拜序

卷之三

藏板

楊閣學蘿村稿

雲間楊

瑄玉符甫著

後學

張應時虛谷重閱

毛遇順珊枝同校

二月十三日

召詢恭紀

帝德如天遍照臨

小臣

尤荷

主恩深玉關暖播回春律

金闕遙懸捧日心幸拜

鑾輿叨

渥注得從

仙仗奏徵吟葵誠願上南山壽長挹薰風叶舜琴

二十一日遣官祭故相宋文恪公墓恭紀

帝念元臣舊

恩隆振古今黃封

頒禁籞

紫綵賁松林魚水遭逢盛丹青想像深羣公咸感勸  
眷念篤遺簪

二十二日

御試知州臣陶爾穆二律以賦得

芳氣有無中雨中春樹萬人家爲題恭擬應制  
海棠香韻別不與衆花同蜨近難窺帶蜂喧詎滿叢暫  
聞因暖日偶觸爲微風物理通神悟

皇情寄此中

春城是處雨絲飄帶郭連村景物饒遠樹參差濃淡色  
新林羃歷短長條鱗鱗瓦屋青如拭縷縷炊烟濕未消  
共喜

皇仁膏澤遍桑疇麥隴望中遙

客中寒食偶成

墓門春草正淒淒獨向征途逐馬蹄  
拚擋書囊勞稚子  
掃除松徑累山妻  
萍絲觸浪無休日  
烏鳥飜風少定棲  
悔殺虛名誤人事  
不教鍵戶隱蒿藜

龍潭道中卽事



三月風光正浴蠶身隨法從過龍潭柳堤綠暗朝烟織  
麥隴青稠宿雨含江靜微波橫正練山開麗景吐晴嵐  
停車不少登臨興作賦無才祇自慙

金陵卽事

鑾輿遙指石頭城江海朝宗肅隊迎虎踞昔曾開戰伐  
龍飛今喜際昇平六朝勝事空遺址前代荒陵繫  
聖情却喜章縫叨扈從雲霄咫尺倍光榮

過香草湖口占

香草湖邊香草香如何俗論貴離鄉無人老向空山裏  
始信幽蘭意味長

籠中畫眉

暫托雕籠戢羽棲  
臨風引吭似含悽  
可憐空有聰明性  
不向深林選樹啼

賦得歲寒見後凋恭擬應制

古榦盤根大亭亭  
百尺枝不同蒲柳  
瘁那受雪霜欺  
歷歲青逾茂經寒翠轉滋  
共期堅晚節仰副

聖心期

擬

御書嶽鎮海濱祠額命告祭官齋往懸立

恭紀五言十二韻

望秩傳虞代平成奠禹州  
雲霞舒藻繪河岳仰懷柔  
主

冊崇封舊躬桓列爵優

帝心符造化典禮洽明幽俎豆精誠格馨香至治修  
九重垂旭照十道肅星郵露灑璫霄上煙霏

玉殿頭揮毫看翥鳳落紙舞神虬金榜丹青煥璇題日  
月留山靈齊奠位川后永安流

萬歲歡呼徹三階瑞氣浮定知承景貺

錫福遍遐陬

擬賦雨洗亭臯千畝綠應制

甘霖袞盡積埃清淑景天開繡壤平被寵芳藪齊擢穎  
緣陂細草亦敷榮恍疑曲渚縑紋展似抱遙山翠靄橫

豈獨林臯資勝賞郊原農事慰

皇情

霖霖連朝灑碧空平疇沾足土膏融迎梅乍屆占時豫  
破塊無驚卜歲豐四野青稠桑沃沃千村綠繡黍芄芃  
聖心默與天心契摘管難名造化功

康熙癸未三月

聖駕閱河回鑾仍御

經

筵恭紀五言十二韻

緝熙勤

聖學啟沃重

經筵爲念時幾切惟期

闔澤宣河渠煩

闔視閭里慶安全  
俶駕韶春候歸程  
藻夏天雲隨芝蓋  
度風送羽旗旋  
倍覺居諸速  
彌知夙夜虔  
義軒承道統  
洙泗接心傳  
浥露歸淵海  
傾葵託簡編

晬容圭璧麗黼辰  
日星懸長景  
舒堯陛南薰  
叶舜絃  
乾行功不息  
豫大業無前  
永睹文明  
泊光華賁八埏

送高江邨少宗伯南歸卽次紀  
恩詩元韻

燕許高名伯仲間  
岱宗千仞得追攀  
纔隨鳳蹕承

恩入又捧龍縑拜  
手還臺閣羽儀縈

睿想晨昏已笑慕  
慈顏相依未幾俄  
成別悵望承明舊

日班

輝煌

宸濤燦華星手抉天苞闢地靈鑄典鎔謨言可則作忠  
教孝字爲型榮光豈獨瞻魁象盛事眞宜誌鼎銘堂陞  
藹然魚水契儒臣

恩遇幾人經

頻年正色立丹墀耿耿孤忠天日知香草當門偏見忌  
盤根應候自含滋運籌密勿宜勞遠造膝從容下直遲  
出處總煩

明主計流觀往事過人悲

玉泉仙苑駐華鑣人喜端明再入朝

內殿圖書陳乙夜中台劍珮切層霄巽風布暖震瀛泰  
離照當空宿霧消翊贊昇平登壽域親從五老頌

唐堯

不戀南宮與北扉循陔色養思依依郢醪逢鱸娛長景  
錦岫瑤林愛寸暉問道幾紆襄野駕辭榮遠勝鑑湖歸  
還期早慰蒼生望快展經綸佐

衮衣

紛紛祖帳簇雕鞍矢報

君恩欲去難松榦經霜偏挺翠葵心向日倍傾丹詩戚

八詠金壺麗筆灑千珠雪  
梳寒魏闕江湖原一致獨抒  
忠愛寫詞瀾

歸裝瀟灑祗經函浪蹙靴紋穩布帆豈是幽棲耽澗壑  
懸知雅尙託筠杉石堪呼丈真成友墨可稱卿別署銜  
綠野風光春不散花源杳靄隔塵凡

後塵昔忝廁金臺五色襪襠睹彩翰自笑枋榆同燕雀  
敢期霄漢列鸛鸞吳歌石闕難爲語越客園絲詎有端  
倘賦歸來從杖履定應載酒卜清歡

咏瓶中牡丹

瑤華自昔領羣芳况是栽根



御苑傍色借宮霞朝綢綵氣分仙醴夜浮香徒聞麗句  
畱崇敬不數繁英在洛陽折向膽瓶時點注願將寸草  
奉

恩光

咏牡丹花東愷公院長

仙種生從上相家朱欄翠幕護周遮三霄瑤露敷春蔕  
五色卿雲孕物華許國文章真富貴鄴侯風骨自煙霞  
無緣永日陪吟賞坐挹穠香手漫叉

初嘗櫻桃賦謝明公

珍果初登宰相厨分甘何意及癯儒碧筠籠滿傾來滑

赤玉盤寒映欲無巢鳳啄餘星的  
樂宮鶯啣出露涵濡  
管新又引江南夢蘭笋香清入饌俱

送陶秋圃南歸

雲間日下早知名話舊還深梓里情  
聯轡同爲東洛客  
拙毫重賦上林鶯何當拂袖尋三徑  
定有藏書抵百城  
唱罷驪駒心欲折關山歷歷數歸程

君已高飛我尙畱棲遲不共入林幽  
心懸谷水鱸魚膾  
夢繞瀛寰竹葉舟長短亭邊芳草暗  
東西溝畔暮雲愁  
何時結伴成偕隱萬里滄波狎海鷗

賜止血石恭紀

犬馬微疴書掩關驚邀

異數五雲間神方探自靈樞祕上藥親從

御府頒首比戴山恩倍重心懸向日力猶孱經旬暫輟  
承明直夢繞觚稜戀

聖顏

早覺陽和徧照臨尙方寶玉壓球琳閭風苑裏傳珍久  
勃律天西韞采深似佩文犀忘滌暑騰餐紫雪滌煩襟  
重延視息皆

君賜未罄捐糜媿寸心

六月三日

駕駐古北口汲泉試武彝茶 分

賜扈從詞臣

雨餘紫塞駐和轡茗飲分頒及從官石鼎素濤翻蟹眼  
花蠶滴乳漾龍團甘逾瑠露三霄渥清映冰壺六月寒  
未得簪毫隨豹尾遙聞盛事也騰歡

題汪東山修撰秋帆圖

芒屨舊踏虞山路拂水巖前翠欲飛秋色讓君平占却  
滿林紅葉錦衣歸

文園消渴愁逾甚聽說還鄉色已飛客裏送行心事別  
與君同夢不同歸

題徐虞門都諫宣沙視牧圖

徐公夙負王佐才神姿軒翥鬚髭頽耄讀書萬卷取甲第  
聲名一日騰九垓俄然屈身作縣令山城斗大花難栽  
撫摩疴癢爬垢疵宛如慈母提嬰孩忽脚

簡命視閑牧騰驤天矯皆龍駮居庸關外風土別驚沙  
射眼霜皚皚水泉噴湧草怒茁親持羈勒先輿僊宣勞  
徼外

國威振坐令醜類齊奔摧傳聞一事更奇絕邑有巨盜  
蟠根茲吏人色沮公奮過直探虎穴無疑猜推心置腹  
示順逆羣盜羅拜聲喧匝捧頭帖耳爭乞命脅從罔治  
降其魁果然盤錯見利器飛章上達

天顏開內遷官拜大司諫每抒片語羣言該

廟堂魚水世所羨從容諷議登三台書生事業有如此  
丹青竚見圖雲臺

恭紀

聖駕北巡

恩德廣被詩四十首

有序

癸未仲夏

車駕時巡古北口外季秋乃還禮也惟時雨暘順序涼  
燠適宜撫生齒之殷繁攬邊陲之綏靖肇開稼穡  
闢沙磧爲田疇儲積倉箱化榛菅爲稌黍雙岐九  
穗並獻禎符珍羽奇毛咸昭瑞應名土大姓披雲  
喜觀

龍顏蒼叟黃童夾路爭迎馬足宏天覆海涵之量視蕃  
部若家人擴民胞物與之仁引八荒爲一體幅幘  
之廣山經水志之所未詳

勲德之隆疏仵循蜚之所莫紀而

皇上乾行益健離照遙周

黃幄晨開每親裁乎幾務

丹綸夕下恒洞悉夫民依題綵筵以奉

椒闈如承

色笑

錫鴻章以敦棣萼倍篤親賢

言作大經字字金聲玉振

書兼衆竝行行虎跳龍拏流覽川巖樂壽乃知仁之效  
旁徵名物見聞皆格致之功文武丕昭廣深合撰  
加以

廣開冊府

優禮儒臣駐馬餘閒拜手而宮商迭奏倚鞍片晷陳詩  
而黼黻交宣饌給雕盤甘溢三霄之露衣披紫纈  
榮逾四照之花

異數便蕃

隆恩稠疊

小臣瑄猥以譴劣曲被生成幸隨載筆之林



應附屬車之末偶  
膺寒暑揪梧策策以搖風  
未展涓埃葵藿依依而向日  
欣逢

盛典竊撰蕪詞上以彰

聖主之大猷下以慶諸臣之榮遇  
管窺蠡測真莫罄乎形容  
蜩蟻蠅聲不自知其陶泳云爾

其一

帝京迤北控羣峯  
列峙雄關百二重  
翠葆經行如戶牖  
天山瀚海盡提封

其二

帳殿晴披五色雲  
諸蕃拜舞各歡欣  
一年一度瞻

天表爭把壺漿效曝芹

其三

沙磧由來蔓草蕪  
肇開稼穡稟

宸謨高原禾黍垂  
垂接寫出幽風七月圖

其四

甘雨和風不爽期  
禾皆九穗麥雙岐

聖朝瑞應尋常見  
苗向龍沙分外奇

其五

巡覽餘閒志益勤  
民間疾苦輒先聞  
郵籤計日封章達  
裁決如流日未曛

其六

青齊微稜亦天行  
饑弱如傷軫

聖情忽聽十行

丹詔下家家驅犢墾頭耕

其七

八荒仁壽藹如春

駐輦猶聞

異命申要使頑讒齊悔悟祇將安靜福斯民

其八

尊親孝養古來稀  
孺慕常如膝下依  
猶恐長行違色養

手題綵箋奉

慈闈

其九

螽斯麟趾福綿昌  
豫教精嚴式義方  
行幄課經宵漏永  
絳紗燈下展芸香

其十

友愛因心本夙成  
臨喪倍道趣裝程  
共欽誄德千秋筆  
猶憶牽裾少日情

其十一

松門肅肅動清商

聖主經時感未忘有

勅中秋停

賜宴銀沙碧月照蒼涼

其十二

灤河千里直探源曲折銀濤繞塞垣形勝豈徒資眺覽

山川天險壯離樊

其十三

溪山圍合遠風多夏木陰中

玉輦過最是嫩涼新雨後琤淙泉溜響鳴珂

其十四

清風徐扇水溶溶  
閱理文竿展

辟容莫訝銀刀爭上釣  
百鱗歸處識真龍

其十五

嵯峨積雪擁層巒  
三伏生陰氣亦寒  
一自

皇仁回暖律  
素商時候着輕紈

其十六

一道飛梁亘玉虹  
自

天題處號玲瓏  
山經搜採何曾到  
始信乘槎是鑿空

其十七

蕃馬千羣燦曉霞  
親攜數騎獵晴沙  
推心置腹無猜忌

六合生成總一家

其十八

蒼鹿千年毛角殊雕弓發處拉摧枯專車擬載防風骨  
神武天教顯瑞符

其十九

纔駐

鑾鑣下錦韉更飛彩翰染筠牋

聖功無息同天健每日臨池字一子

其二十

重披冊府發奎光

御筆親書大學章內聖外王功用備淵源洙泗見羹墻

其二十一

苞符祕旨闡義軒章部紛淆昧厯元  
聖悟直超形象始論窮二角息羣言

其二十二

言本心聲蘊太和

天章抒寫沛江河川巖雲物榮光被並入虞廷解慍歌  
其二十三

奎章閣裏羣書行笈嘗攜萬卷餘朱墨分明勤點勘  
旂林學海富畋漁



其二十四

偶徵故實及垂綸

睿思宏開耳目新博識亦覩

天縱妙心同淵海浩無津

其二十五

聖澤涵濡萬類均就中

恩遇數詞臣爲憐痘褐風霜入

賜出宮衣穩稱身

其二十六

森嚴羽衛靜無聲

特許班隨豹尾行橐筆喜瞻

天尺五弓弓隊裏有書生

其二十七

卓帳還依

御幄前鳬趨鵠立候

傳宣編摹舊是詞臣職奏進新書日幾篇

其二十八

供奉班中出入齊獨攜鼠尾寫鸞溪圖成每博

天顏喜香案前頭乞

御題

其二十九

玉饌朝朝飽大官熊蹯鹿尾燦盈盤猶令重熟雕薪煮  
爲念秋深氣漸寒

其三十

豈徒陸海備芳鮮異品還聞出

御筵泉煮月團誇紫笋飯抄雲子號紅蓮

其三十一

細鱗珍美

御嘗餘半體

分頒到直廬飽啖腹腴兼少骨江鄉風味壓鱗魚

其三十二

鶴禁追陪禮數寬  
喜承清暇對流湍  
分甘已慰臨淵美  
飽德還同在漆歡

其三十三

熬波出素質方成  
不信天然出水精  
拜賜共知明主意  
將好滋味佐和羹

其三十四

仙草豐茸不識名  
寒松落葉骨逾清  
窮搜爾雅猶茫昧  
聖主停鞭指示精

其三十五

儒生鞍馬未曾嫺特出龍媒十二閑  
莫慮逸材時駭突導行先已遁翹關

其三十六

眷念循良

寵諭溫一家骨肉盡咀

恩致身中外無殊義共矢捐糜餐

至尊

其三十七

小臣曲荷

主恩深未効馳驅媿夙心就日倍殷葵  
藿桐塵沙遙聽

屬車音

其三十八

忝攜鉛槧直

金鑾名附元僚奏請安傳道

聖人躬萬福呼嵩額手倍騰歡

其三十九

泰交盛事慶明良每接封題喜欲狂傳說感同身愛切

恍隨

鳳蹕被

龍光

其四十

聖德昭融與日新上窮姚姒迴無倫含毫竊恐多疎漏  
不及諸臣睹記真

補充 日講官起居注恭紀十六韻

啟沃勤朝夕編摹重起居五雲瞻

黼濤

三殿捧圖書品最稱高選官皆自特除珮垂青鏤管香  
拂紫霞裾密地聯

丹極清班冠石渠

小臣

殊謏劣薄植媿庸虛弱柳經秋

後焦桐出爨餘經神非馬鄭筆法謝顏徐

謂顏真卿徐浩見唐詩

何意邀

宸眷還容遙直廬時時聆

鳳綍日日侍

鑾輿立傍鈎陳仗行隨學士魚

榮恩身獨忝

異數古誰如

聖德勲華邁

宸章象緯舒對揚知莫罄紀載恐多疎豈有涓埃報惟  
將悃幅摠撫躬思仰副感極倍躊躇

賜掛數珠恭紀十二韻



戒珠昭

異數秩命重朝端忽沛便蕃

錫優加侍從官細攢紅鞵鞢間綴碧琅玕的的光交映  
垂垂縷屈盤章身逾鶻綬褰彩綢貂冠銀管行兼珮瑤  
珂曉並寒一時齊拜手同列總騰歡不羨三英粲還將  
四照看小臣慙負乘素食凜河干有夢隨仙仗無能奉  
玉鑾榮雖叨借紫

唐制凡品秩卑而加  
章服者謂之借紫

心未展懷丹祇

覺啣

恩切彌思報稱難

送杜讓水之括蒼郡丞任

暫向山城借一枝衝寒不共話深卮青雲事業看流蜚  
白首交期感舊知月滿鳳池聯句夕讓水曾官翰林孔目雪深雁  
塞寄書時翱翔半刺應多暇好寫新篇慰所思

癸未小除 賜羊鹿魚雉及鹿尾恭紀二首

珥筆頻分玉箸餐又蒙

宣賜集金鑾錦鱗綵羽登方貢鹿尾羊臠出大官重捧  
宮壺瓊作液似攀仙掌露盈盤微忱欲獻南山壽先向  
春朝賀履端

椒盤柏酒歲華新貧舍居然有上珍最荷

恩光先九列特教姓氏從元臣辭年普洽分甘惠薦熟

尤沾

錫類仁却憶昔時風雪裏寒燈爐火正蕭辰

甲申元夕 賜酒饌恭紀

令節傳柑夜

隆恩下直廬雕盤初獻後珍膳

御嘗餘慶洽充庭鷺歡同在藻魚上林芳信早風物嚴  
華胥

油油三爵罷曲宴有加遵仙果盈懷貯宮花壓帽偏春  
風生綵袖喜氣溢銀觴忝竊臣尤甚長歌既醉篇

上元節 召赴禁苑觀燈連夕恭賦長句

聖皇四十有三載太和周浹被八荒水土平成雨暘若  
堯衢擊壤歌時康良辰正值上元節卿雲紉縵彌天闕  
禁垣花葯春候早未舒枝葉先聞香城開不夜匪逸豫  
祇爲百姓祈豐穰雕輿閣道迎

壽母歡顏敬進瑤池觴紫宮邃穆鈞陳靜桐圭繡袞聯  
雁行虎賁綴衣肅劍珮貢琛獻寶來名王顧惟儒臣備  
近列亦令寓目沾恩光恭承

寵命忭且舞緣堤魚貫趨循牆是時冰蟾吐碧嶠後蟾  
不動天蒼蒼忽然一線閃晴電金蛇火鳳紛騰翔樓閣  
參差旌幟別駮飛燧走森精芒上燭璇樞勢翕燭還景

巖谷聲礧礧須臾變幻詎可測遊絲落絮因風颺乍疑  
蜃氣嘘海市珊瑚島畔垂珠房又疑羣真朝絳闕水精  
簾下拖明璫來宵有

詔許再入星毬點點擯銀岡諦觀宛象河九曲千門萬  
戶盤羊腸靈虬天矯自何許口含明月鱗怒張連蜷擎  
攫朝

御座伏若蠺蛭神洋洋夜未央弓觀止矣玉壺仙醉仍  
分嘗歷稽此舉傳往昔六鰲雙鳳詞鋪揚豈如藹然同  
樂世賡歌拜手追虞唐

小臣

頻年守華戶幾曾紫陌隨

遊疆况登閬苑披寶樹昇平瑞事誰能方心搖目眴累

數日夢遊恍聽鈞天長獨懸身鄙無一似譬似五岳參  
笙簧幸逢錫福徧宇內家家稔黍盈倉箱  
至尊垂拱億萬歲純禧誕集申無疆

送蔣西君庶常得請迎養兼賜新第

啣毫香案受深知將母難忘烏鳥私

特許捧輿趨鳳闕預開

賜第近蓬池歸裝正值鶯花候野店爭傳玉雪詞春水  
一帆安穩到萱闈綵舞日遲遲

再世金蘭譜誼深枯蓼仍得傍瑤林謬叨一飯推前輩  
直擬千秋共此心樓訪絳雲縉祕帙巖經拂水寄清吟

驪駒唱罷情無限遙數歸期待盍簪

送匡齋兄之武昌太守任

治郡高名洱海傳重聞南楚借才賢會城秩是諸侯長  
福曜人占一路先焚口水寒宵獨飲武昌魚美暑常懸  
忝叨棣萼光分映竚待徵黃到日邊

禁中春雪應教

春寒料峭曙光微五出繽紛集禁闈擘柳風來錦早放  
落梅曲裏玉同飛似疎更密頻繁檻乍積遲消欲濕衣  
却喜鄒枚參末席分題授簡奉

恩輝

皇三子書晚香齋扁額及對聯掛幅以賜

當代間平令望新益於染翰信天人漏痕曲注波三疊  
戈法斜迴弩萬鈞光岳菁英開壁府芝蘭氣味及儒紳  
何期寵被瑤華錫墨寶流傳作世珍

題蔡卓菴副都統橫琴聽松圖

三千鐵騎擁青油不是鳶肩定虎頭却向畫圖披玉雪  
教人錯認漢畱侯

琴韻泉聲入耳新烟霞情性鶴精神學仙本是英雄事  
鐘鼎山林指屈伸

題張硯齋檢討桃花流水圖



韋平家世典絲綸日日簪毫侍

王宸皖口風光定無恙暫從畫裏得閒身

小草生涯垂白餘把茅長憶五湖居怪他綠髻青雲客  
便擬巖間着幼輿

紅霞碧浪繞迴塘牽引鄉心一倍長莫爲無田不歸去  
瓜牛廬亦好徜徉

綠野風流見典型百城圖畫也紅亭  
相國園中亭名他時花底  
將車過應有新陰在鯉庭

爲念鵲原宿草深  
謂隨齋詹事重披遺墨一沾襟白頭竟負

青山約此樂從來未易尋

題蔡方麓詹端早朝圖

丁丁曉漏徹宮壺侍女香添睡鴨鑪洗盡唐人陳句子  
別翻新樣早朝圖

花陰斜月可憐宵倦曉膏騰滯碧綃便趁雞聲騎馬去  
誤人春事是金貂

新登八座領宮司賜第金鰲下直遲最羨銀屏椽燭下  
輕霜全未上吟髭

畫眉粧閣小畱連日影徘徊上八磚此福天公應吝予  
風流學士本神仙

送徐虞門都諫請假歸里

豈獨臨歧愴別深多君宦達橐無金黃樞要秩高二省  
丹宸訐謨有六箴客路星霜先結夢故鄉風物倍關心  
莫教久繫中朝望建禮門前聽佩音

送汪迎年廣文之官

憶曾問字訪邱南

鈍翁所居名邱南小隱

星角英英自篠簞豈意

青山無故老重逢綠髻得深談文慙俗學工難售官寄  
儒林冷自甘好把遺書宏教鐸泮池人共涉經潭

賜砥石山硯一方恭紀七律八韻

青瑤一片劖雲根規作星泖墨霧屯流潤松花波尙膩  
含珍砥石德尤溫岳靈修貢登

昭代文府書勲自

至尊曾染香毫猶帶馥紗經月斧不畱痕直方倍覺廉  
隅凜貞靜從知矩矱存歛嶺羅紋寧比價端溪蕉葉敢  
同論未妨餘濬沾袍袖用米帶事長許榮光及子孫日夕編  
摹虛報稱還資默友答

殊恩

顧元慶十友圖  
研爲默友

賜青哆囉呢衣一領恭紀五律八韻

賜衣昭盛典霞氎

吐蕃貢霞氎  
今毛段類

燦成文毳毼鮫人貢兜

羅梵夾聞

哆囉卽兜羅音之  
轉也出東印度

鳳啣梭縠密翠集羽繽紛

絳縷金針巧裁量玉尺分薄寒廻暖律急雨榮奇勲淺

裏花間露輕舒霽後雲白憐衰空賤重厠鷺鴻羣服此  
期無數長承

殿閣薰

伏讀

御書扇頭山莊書懷示大學士詩恭頌

秋清紫塞敞

行宮喜見新晴叶歲豐

盛世雨暘符洛範高原景物寫幽風簪車滿願三農樂  
稼穡周知 五夜衷

駐輦餘閒宜

睿藻斟酌調元化是

袖

元僚禮遇冠諸卿

御筆親題扇五明寶露濃垂沾袖渥薰風徐度入懷清  
人傳曠典忠咸勸身沐

殊恩感倍生堂陞謫然魚水契早知

錫福徧蒼生

伏讀 聖製軫念山莊農事喜感有秋長歌一

篇恭頌五言四首

邦本先農食精勤

睿慮長年雖書大有心尙切如傷翔野初移

蹕秋風屈築場八荒皆在目抒寫沛

天章

昨年齊魯境微稷亦天行未是堯湯儆先深饑溺情遣  
官臨赤縣計口散珠粳父老歡心極惟聞感泣聲

麻徵風雨協靈貺迓天宗詎數禾雙穗真成畝十鍾  
簷歌

帝力葦簫樂時雍率土登豐稔遙知戶可封

保泰心彌勵分猷在庶司義同家相貴祿是下民脂  
日月垂

清照冰霜凜

訓詞篇章流德意並美舜歌詩

皇太子召赴新苑觀

御書匾額二十有九恭

紀七律四首

新開芝苑儼蓬瀛就下因高不日成地接上林通

御氣

天題禁匾錫嘉名雲楣聳翥丹山鳳繡棋橫飛碧海鯨  
特許儒臣聯步入凡軀忽傍赤霄行

重潤重輪仰

睿姿家庭作述百王師勤民寶稼惟無逸學古尊聞在  
日知自愛離暉娛永晝常持謙德樹崇基諦觀戶牖箴  
銘備額手瑤階頌



孝慈

羲文韻字闢鴻濛下逮般倕亦化工  
細展銀鈎波鬱律巧揮月斧勢玲瓏  
朝垂霄露披金薤夜燭榮光亘玉虹  
曾同

承華窺墨寶擘窠運帚法原同

隻字能令尺璧輕况兼衆妙壓連城  
數同卜世綿瓜遠象比周天列宿羸  
帝網流輝珠互攝河宗獻瑞寶難名  
微臣颺頌何能罄文府長沾曠代榮

硯池冰應令

蓬萊仙苑曉寒生墨沼停波結水晶  
鵲鵲晴搖光爛碎

蟾蜍滴冷響淙琤揮將鏤管珠千顆炙向宮爐碧一泓  
便寫雲章傳壁府睿懷長共玉壺清

賜  
御書大福字恭紀

稠疊

恩波萬彙該更頒

寶墨下蓬萊純禧真覺從天錫晚境新從此日開華戶  
烟光增璀璨春臺雲物共昭回敬瞻點畫皆皇極徧德  
行看浹九垓

賜  
御書匾額對聯

門巷蕭疎草覆簷雙楹何幸賁龍縑書超晉帖

天章煥句採唐人

聖訓兼

汲古得修綆流謙乃素襟唐韓愈錢過句也

要惜分陰勤學古勉畱

晚節貴持謙曲成總荷

鈞陶力雲日光華得近瞻

賜砥石硯

曾頒片玉壓洮瓊

硯名見周必大集

復拜

天恩賜碧渚

文杏匣開雲鬱律春蕉紋細縷迴縈延津兩劍奇終合

韓子雙環美忽并什襲豈徒藏篋衍濡毫時益砥堅貞

加賜哲綠魚細鱗魚各一尾

珍品隨年許例支文鱗增給荷

恩私纔經玉箸親嘗後猶似銀刀出網時貢出松花微

帶雪名符丙穴淺凝脂

通志哲鰈魚出松花江細鱗魚與丙穴嘉魚相類

多魚

慶洽豐穰兆拜手先陳爾牧詩

賜玻璃二器

載捧琉璃出

紫宮海西妙製敵神工缸凝秋水清無滓壺泛春醪迺  
若空堅白固應同玉粹虛明端不遣塵蒙便蕃

寵渥知難報只有冰心貯此中

賜春盤恭紀

青郊仗轉簇春盤節物分頒侍從官小戶未堪杯泛蟻

清齋偏許膳調蘭

時奉斗齋特賜素膳

紅炊香稻流匙滑綠剪柔

莢沁齒寒珥筆幸依

天尺五光風先已拂歸鞍

賦得太平天子朝元日

雲開闔闔肅朝正冠佩鏘鏘振鷺盈歲紀屢豐占在酉

古諺云太歲在酉乞漿得酒言歲必大稔也

道登累洽樂由庚

詩序由庚言萬樂物得其

道也方興職貢梯航遠殿陛賡歌雅頌清四十餘年宵旰

裏普天人共慶昇平

賜白金二百兩恭紀

皇仁普被及寒微望外

恩加自古稀品重朱提

天府錫名書紅票

月毫飛

明李夢陽詩白金之錠紅票記謂以硃筆標姓名

映來椽燭分行燦捧

並香柑滿袖歸總爲冰條官局冷先回煖律播春暉

伐檀常慕古賢風日飽

天厨玉粒豐俯仰豈猶嗟旅食解推偏是塵

宸衷驚邀

曠典遭逢盛喜溢清班拜舞同料得家人聞好語迎門

額手盡呼嵩

謫劣仍趨供奉班

君恩厯厯重邱山正當失路旋開網已遂歸田復

賜環凡鳥得棲珠樹側全家許傍閭風間

先聞賜第之命

累叨

異數超常格感到淪肌涕欲潛

此日榮沾

寵渥深千秋佳話賁詞林東方未飽盈囊粟司馬徒誇  
買賦金禮著養廉

明主意義惟敬事小臣心卅年莫展涓埃報循省中宵  
婉影衾

隨侍恭紀

國風芝苑霽長春

睿德昭融與日新精詣直探河洛祕杼詞苑共典謨淳  
雅耽書史襲紅蠟延訪名流駐畫輪侍從翩翩揚馬盛  
隆恩何幸及微臣

少無名譽齒朋僚况復先秋髯早凋合共潛鱗遊巨壑  
豈期九羽插瓊條桐材賞自焦餘得駿骨求偏格外邀  
獨媿疎慵無報稱惟將寸悃答丹霄

睿賜砥石硯一方恭紀

曾捧松花片玉溫儲闈今喜拜新恩文迴蕉葉紅千縷  
光膩春波碧一痕體示直方臣節在中含虛受

下有一格可容



紙墨

睿懷存摩挲未敢輕濡墨盛典還應及子孫

睿賜宋刻尙書一部恭紀

睿文垂黼黻寶冊煥琳瑯書備前王法編從孔壁藏重  
輝高作述五夜覲羹牆猥以顛愚質先頒錦縹裝字粗  
便老眼刻久露精芒展卷期新得開函襲古香定知黃  
篋觴夜夜繞虹光

睿賜糕果精醞恭紀

日日芳鮮紀大官特蒙宣賜別常餐糕餐玉屑香生齒  
苞品堆珠燦滿盤翠杓細分雲液膩金莖恍挹露漿寒  
拜恩更喜江關近榮被鄉閭共洽歡

賜古爐一座果蔬八器恭紀

丁家妙製博山珍金縷盤螭燦若新什襲自應登祕府  
分頒何幸及微臣擎來鷁艦清光徹畱得龍香紫霧勻  
未敢燕私陳几席朝朝手炷祝千春

天家珍品異常饒薄劣偏邀禮遇優翠斧銀鬕分□□  
瓊芽縹帶翦香柔性甘蔬果清齊便惠逮鄉閭寵數稠  
祇媿素餐虛報稱蘭芬長向齒牙畱

恭和

御製賜高旻寺僧紀蔭詩

初停

仙躋化城中清磬璆璆隔苑東神悟獨能超夢覺片塵

端不染虛空光分蓮炬星芒映香散銀毫月影籠一自  
天章揮灑後千秋佛日倍昭融

白杜鵑花應令

佳卉來從海舶遙一枝霏雪占清標名同謝豹啼紅雨  
色比鮫人疊素綃洗淨濃粧疑月豔畱將芳意殿春韶  
自邀睿藻添芳譜長傍瑤林玉滿條

賜睿書摺扇一柄恭紀

行幄曾窺墨海龍九華輝映五雲重展開赭帕香先動  
捧出芝英霧尚濃皓月入懷將皎潔清風滿握得從容  
單微姓氏

天題署自慶殊恩曠古逢

睿賜碧玉印池一枚恭紀

閨風苑裏翠琅玕

寵渥何緣及從官製出雲斤紋縝密光分螭紐縷迴盤

浮筠旁映層波碧

禮記孚尹旁達釋作浮筠見藝文類聚

渾璞中含一寸

丹遠謝祖瑩能博識于闐寶器辨應難

北魏祖瑩辨于闐碧注時稱其

精鑒

恩賜水西馬一匹恭紀

再侍

鑾鑣赴朔陞龍媒

賜逮俶裝時種從洱海波中出行向蓬山果下騎

後漢書有

果下搖策舊詣隨

輦路倚鞍重賦紀

恩詩小臣未展馳驅力空撫騰驤汗血姿

中元日 賜山羊二角鹿條一盤恭紀二首

曾頒肥羜膳膏饅全賚尤驚

寵數優盤角奇偏鍾朔野臥沙美不讓同州韭花翦後

香逾烈杏酪調來膩欲浮

楊凝式韭花帖云助其肥羜實謂嘉饅

蒸同州羊灌以杏酪一飽豈徒充七箸榮施家祀及時

修

蓬萊仙苑宴斑龍

山家生飲鹿血名斑龍宴

別

勅行廚細縷供不藉鹽醢緣舐齏

遼史秋山射舐齏鹿

鈔逾芝朮

爲含茸貯將紅玉堆盤營焙向雕薪入齒鬆總是  
睿懷垂曲軫常於馬上得朝饗

中秋 賜扈從詞臣果餅恭紀

輦路秋高氣轉和不知此夕令辰過忽聞

殊錫天邊降始覺清光塞外多宮餅團團輝彩魄露苞  
的爍散金波太常齋久忘中聖

恩重枯顏已欲酡

八月二十五日

睿駕分營行圍獲熊恭紀

鶴翼初分隊龍沙大合圍習勞知叡武服猛信仁威一  
騎盤蒼靄孤熊蟄翠微踞崖投石怒穴館跌臙肥雲壓  
秋山紫霜含塞樹緋劍搖虹影亘矛閃電光飛批郤奇  
無敵通中巧應機迎轅疑特兇就縛比封豨義得除殘  
正歡同奏凱歸截肪調玉膳裁褥飾金鞵

漢有緣  
毛熊褥

布賞

恩旁逮承

顏禮不違入常驂

鳳輦出亦扈龍旂幸待東華直親瞻少海逾讀書聞掌

美披畫觀形稀

宋人畫有  
鷹熊圖

夢叶斯于吉祥占渭水非射

將三十六

金史有日射  
三十六熊賦

史冊播鴻徽

次日復殪野豕凡獲四十足恭紀

斗宿占乾度

北斗臨亥分亥爲豕乾鑿度緯書名

山都記諸臯

猪名山都見李商隱

詩集猪都註下諾臯記唐段成式著

入圍偏善突

豕善突故日突豨

鼓鬣乃名豪

豪猪見穆天子傳

技比蟲含弩形同蝟殢毛團砂當鞞闕

甲名孤

穎敵箠勞

弩名

衛體謀誠黠磨牙性復饕不堪馴柵圈只

是踐榛蒿解作昂頭聽

湧鐘小品野豕能飛鬣射人粘松脂砂石自衛矢不能入惟項

下尺許丁射射者先叱叱作聲豕輒昂頭而聽乃射殺之

寧甘妥尾逃儒生皆欲裂

漢轍固事

中尉刃徒操

漢郅都事

儲聖威容赫秋旻爽氣高砮鉤

長箭割颯拉短兵鏖一發摧枯巧羣犇向穴墜俄焉殲

厥類翻若執諸牢蜡豈煩迎虎烹應陋獻羔鮮腴花映



字臚理玉流膏善得

天心豫無辭睿體勞行帷崇色養徐待奏鸞刀

睿賜鱸魚二尾恭紀

金璫玉鮓美淞江行幄分甘給一雙澤國鮮腴富雁磧  
家園景物宛漁缸賦同斗酒心先醉用後赤壁賦憶向秋風  
意已降叨媿儒臣恩遇重柳條纔貫出銀龍

睿賜鮮荔枝五顆恭紀

輕紅皦白冠炎州移植蓬萊最上頭賜出尚含金掌露  
擘來忽捧水晶毬色香味擅無雙譽桃李梅慚第一流  
不是仙苞經摘取離離只向畫圖求

八月十五日睿賜食饌內豆腐一器恭紀

塞路秋陰雨嚮晨  
睿慈曲軫逮儒臣  
清齋雅覺藜腸慣  
法饌重頒菽乳珍  
鹽鼓不施明淡泊  
芥齏微和發芳辛  
矢將潔白酬恩遇  
敢放冰甌着點塵

中秋夜 賜詞臣果品別給哈密葡萄一盤恭紀  
細苞枝飲出行厨

別賜甜冰品格殊  
貯向花甕光的爍  
來經青海路縈紆  
瓊條垂實團秋露  
璧月潛輝避夜珠  
是夕無月飽食懷將餘  
核在擬牽翠蔓摘雲腴

藏板

藏板

附公莫大宗伯韓慕廬文

嗚呼斯世之重輕恒視乎哲人之存歿其存也不因名  
位而加崇其歿也不隨形氣而俱散行不苟同而言皆  
有物醒俗學之瞶聾挽頽風之薄劣求之古人若昌黎  
廬陵者指殆未能多屈自非命世之英詎易齊驅而比  
烈惟宗伯之爲文也獨運心靈窮探理窟六籍百家爬  
羅剔抉參之南華以暢其流衷之史遷以著其潔春麗  
鯨鏗颺馳電掣遂掇大魁遭逢特達繪漆火於舜裳  
輝球琳于天闕薈羣言之紛綸裁僞體之茁軋讀公文  
者始而駭繼而疑終而媿且悅固已傳世行遠俾星漢

而扶掖禍矣迨乎晉陟孤卿羽儀朝列夙夜寅清樞機  
密勿慶魚水之和諧無堂廉之隔絕公乃正色昌言濟  
都俞以吁咈謝寵利而弗居當雷霆而不懾退食蕭然  
神姿高徹筆墨觥籌典墳肴核盎然被人以春風而冷  
然飲人以冰雪視世之媵嬰脂韋者曾何以當其一映  
去年公以疾請告 天子方靳公之去而公已浩然

將歸老乎巖穴顧以

知遇之殷隆未敢博名高於

勇決審進退以難安繞迴腸而百折海內人士方望公  
之枋政大行而詎意其死生契濶也聞訃之日無知與  
不知咸臨風而嗚咽况於<sub>某</sub>等接跡

禁林聯顰省

闔譬同車以共載乃脫轅以失轄故世之悼公者以其  
經術之湛深議論之卓越而某推本公之所以爲文者  
在乎一介必嚴萬夫不撓之節則今日之勦豈徒交從  
僚友之舊哉亦將爲世道人心而愴結也辦香肅陳清  
酤載設歲月無涯英靈若揭庶斯文之永泯晞嗣響於  
來哲

後學張

斌芸閣

校字

振屺瞻仲